

聖濟總錄

吳錫璜署

大德重校聖濟總錄卷第三十四

閩中吳鉅璋黼堂校閱

中暍門

中暍統論

論曰盛夏炎熱人多冒涉路途熱毒入傷微者客於陽經令人嘔逆頭眩心神懊悶汗出惡寒身熱發渴即時不治乃至熱氣伏留經絡歲久不除遇熱即發俗號暑氣甚者熱毒入內與五藏相并客邪熾盛鬱瘀不宣致陰氣卒絕陽氣暴隔經絡不通故奄然悶絕謂之中暍此乃外邪所擊真藏未壞若遇救療氣通則甦但治熱暍不可以冷物得冷則不救蓋外以冷觸其熱蘊積於內不得宣發故也

中熱暍

論曰熱暍之病由冒犯暑熱邪氣也其脉絃細孔遲其狀汗出惡寒身熱而渴體重疼痛小便已則洒洒然毛聳四肢厥冷微勞動即熱口開齒燥經所謂脉虛身熱是為傷暑此不可汗下汗之則惡寒甚加溫鍼則發熱甚數下之則淋甚宜以除去熱邪之藥治之

治中熱暍頭痛汗出惡寒發熱而渴白虎湯方

知母

六兩

石膏

碎一斤

甘草

二兩

粳米

六合

右四味咬咀如麻豆大每服五錢匕水一盞半煎米熟湯成去滓溫服日三一方加人參三兩

治伏暑吐逆小香薷湯方

香薷

二兩

人參

一斤

白藕豆

半兩

右三味粗搗篩每服三錢匕水一盞煎至六分去滓溫服不拘時候

治傷暑中暍解毒丸方

半夏

醋浸一宿
漉出曝乾

甘草

炙剉各一斤

赤茯苓

去黑皮二兩

右三味搗羅為細末生薑自然汁和丸如梧桐子大每服四九加至八九新汲水下如昏悶不省者生薑自然汁下

治傷暑煩渴不止竹茹湯方

竹茹

一合新
竹者

甘草

剉一分

烏梅

兩枚
椎破

右三味同用水一盞半煎取八分去滓放溫時時細呷

治伏暑頭痛心胸煩悶旋運惡心不思飲食小抱龍丸方

半夏

醋浸一宿
器中煮醋盡焙

甘草

炙剉各等分

右二味搗羅為細末生薑自然汁煮稀麪糊丸如梧桐子大陰乾每服十九新汲水下食後臨卧服

治中暑煩躁香薷散方

香薷

二兩

右一味搗羅為散每服二錢匕水一盞煎取七分不去滓溫服不拘時候

治中暑煩躁多困乏力消暑散方

人參

搗末

白麪

等分

右二味和勻每服二錢匕新水調下不拘時候

治暑氣每到夏月即發四肢無力不思飲食檳榔餅方

檳榔

挫

瞿麥穗

懷香子

炒

荊芥穗

麥藍子

大黃

煨剉各一分

右六味搗羅為末用麪三錢和作六餅慢火燒熟每日空心爛嚼一餅溫酒下

治暑氣甘露散方

黃連

去須剉一兩

吳茱萸

半兩

右二味同炒以茱萸黑色為度放地上出火毒不用茱萸將黃連搗羅為細散每服半錢匕食後茶清或新水調下

治一切伏熱煩躁困悶拔萸散方

拔萸

貫衆

摘碎刮去毛各一兩

人參

甘草

炙劉各半兩

右四味搗羅為散每服二錢匕水一盞煎至七分溫服如熱渴即冷作飲

治傷暑胸膈躁悶昏運倒仆欲死解毒散方

商陸根

切開如血色者陰乾

右一味搗羅為散每服一錢匕新汲水調下牛馬驢騾喘急熱發倒仆調三錢灌之立止

治暑毒及心經積熱大黃丸方

大黃

剉炒

甘草

炙

黃連

去須

惡實

微炒

荊芥穗

等分

右五味搗羅為末煉蜜丸梧桐子大每服二十九溫水下食後服若為散水

調亦得

治暑毒躁悶甘露丸方

寒水石

大煨候冷夾絹袋盛井底浸七日取出令乾研四兩

天竺黃

半兩

馬牙消

研二兩

甘草

兩一

龍腦

錢半

右五味為末糯米粥丸雞頭大每服一九生薑蜜水磨下

治暑毒抱龍丸方

黃芩

去心黑

大黃

剉炒

黃藥子

生乾地黃

焙

藍根

甘草

炙剉各兩

雄黃

研半兩

龍腦

研

麝香

研各一錢

右九味為細末牛膽汁和丸如彈子大每服一九冷鹽湯嚼下

治暑毒煩渴狂躁嘔吐頭疼困倦不灰木散方

不灰木

二兩

滑石

寒水石

甘草

剉各一兩

蓼藍根

一兩半

右五味並生搗羅為散每服二錢匕研生粟米泔入沙糖一棗大同化服不

拘時候合時避日色火氣

治暑毒救生散方

脂麻

新者三兩

右一味炒令黑色取出盤內攤冷碾為細末新汲水調下三錢匕或丸如彈

子大新水化下一丸凡著熱外不得以冷物逼外得冷即斃

治中暍解暑毒煩躁水壺散方

不灰木

燒

玄精石

研生

金星石

銀星石

馬牙消

生各半兩

甘草

炙剉一兩

消石

一分

右七味各搗研為散先將甘草鋪在鉢內次入諸藥炒良久移放地上以鉢冷為度重研過每服一錢匕新汲水調下或生薑汁水調下

治中熱喝方

右用生麴一匙沸湯調及半碗紙蓋碗口少時微熱呷之大効

中喝悶絕

論曰中喝之病令人悶絕者熱毒傷藏也蓋心藏神而惡熱若冒觸暑毒蘊積於五藏則陰陽不能升降經絡不得宣通故奄然悶絕然真藏未壞救療有方得氣宣即甦亦不可待其自甦又不可犯冷若外犯冷則與熱氣相拒氣愈不通而斃矣

治熱喝欲死悶亂方

生地黃

洗搗取汁一盞

右一味旋旋灌之

治中暑毒熱喝不省方

白麪不拘多少

右一味用熱湯調二錢匕灌之

中熱喝不省方

大蒜

不拘多少
去皮搗爛

右一味用新水調勻灌之

治中熱喝不省方

右以泥周遶喝人臍使三四人溺其中亦可屈革帶或扣漆碗底或脫車釭安著臍上令溺不使流去然此謂路途無湯可用乃令人溺取溫若有湯不必溺也仲景不云泥及車釭蓋此物必冷喝人忌冷若得熱湯和泥及火燒車釭方可用也

又方

右取生菖蒲不拘多少搗絞取汁微溫一盞灌之

又方

右先掘地作坑取蜜半盞傾坑中以新汲水兩盞投之攪勻澄取漿一盞灌之

又方

右以物幹開口煖湯徐徐灌之仍少舉其頭令湯入腹即蘇

又方

右取生蓼不拘多少用水濃煮絞汁一二盞灌之

治中熱渴死方

右取路上熱塵土以壅其心冷復易候氣通乃止

治熱渴欲死悶亂方

右以口噓其心上便擣地黃汁一盞灌之仍灸兩乳頭各七壯

治中熱渴垂死備急陳橘皮湯方

陳橘皮

湯浸去白焙

乾薑

炮

甘草

炙

右三味各等分麤搗篩每服三錢匕以水一盞煎五七沸去滓稍稍令噉勿

頓與之以蘇為度

治中渴垂死備急救生丸方

乾薑

炮

甘草

炙

黃藥子

板藍根

各四兩

犀角

銔一兩

右五味為細末煉蜜丸如彈子大每服一九熱湯化服立効

治心中熱則精神冒悶黃連散方

黃連

雞爪者不拘多少去須

右一味為細散每服二錢匕濃煎燈心湯調下得洩則愈蓋心惡熱苦入心熱傳小腸則氣下通故得洩則愈燈心通利小便故也

治中暑暈毒悶亂昏沉凝水石丸方

凝水石

瓶子內燒過如粉

乾薑

燒灰各一兩

甘草

炙三錢

甜消

兩

右四味搗羅為末煉蜜丸如彈子大每服一丸生薑湯化下

治中暑毒悶亂不省人事萬金散方

硫黃

研

蛤粉

各一兩

右二散研為細末每服一錢匕新汲水調下

治中暈冒悶吐逆頭痛出冷汗玉珠散方

硫黃

船上者

滑石

色白者

凝水石

燒各一兩

右三味搗研為散每服二錢匕艾湯調下

瘧病門

諸瘧統論

論曰夏傷於暑秋成痲瘧該於時而作也方夏之時陰居於內暑雖入之勢未能動候得秋氣陽為之變汗出遇風乃成此疾故曰痲瘧皆生於風蓄作有時其氣陰陽上下交爭虛實更作陰陽相移也陽并於陰則陰實而陽虛陽明虛則寒慄鼓頷巨陽虛則腰背頭項痛三陽俱虛則陰氣勝陰氣勝則骨寒而痛寒生於內故中外皆寒陽盛則外熱陰虛則內熱內外皆熱則喘而渴故欲冷飲皆得之夏傷於暑熱氣盛藏於皮膚之內腸胃之外此榮氣之所舍也令人汗空疎腠理開因得秋氣汗出遇風及得之於浴水氣舍於皮膚之內與衛氣并居衛氣者晝行於陽夜行於陰此氣得陽而外出得陰而內薄內外相薄是以日作其間日作者其氣之所舍深也其作之早晏者隨風府日下一節也是以或先寒後熱或先熱後寒或但熱無寒又或本於痰或本於瘴或本於鬼神或本於邪氣大槩外傳經絡內入五藏證既不同治法亦異治瘧者不辨陰陽虛實槩以吐藥投之有非痰實而真氣受弊者固多矣內經論五藏諸經之瘧本以刺法補寫其寒熱先後與夫發止早晏又皆不同明邪氣所傳不可一槩論今備載諸證參以治法之輕重要在隨證而治庶乎無一曲之蔽也

寒瘧

論曰寒瘧之狀內經所謂先寒後熱病以時作是也蓋傷暑汗出腠理開發因遇夏氣淒滄之水寒其氣藏於腠理皮膚之中秋傷於風則病成矣其證先起於毫毛伸欠乃作寒慄鼓頷腰脊俱痛寒去則內外皆熱頭痛飲冷是也

治寒瘧先寒後熱頭痛不可忍熱極即汗出煩渴吳茱萸湯方

吳茱萸

湯浸焙炒一兩

羌活

去芦頭半兩

甘草

炙半兩

半夏

湯洗

乾姜

炮

芎藭

細辛

去苗葉

麻黃

去節

高良姜

藁本

去苗土

桂

去粗皮各一兩

右一十一味粗搗篩每服三錢匕水一盞煎至七分去滓未發前溫服

治寒瘧神効檳榔湯方

檳榔

剉

桂

去粗皮

常山

陳橘皮

湯浸去白焙

甘草

炙剉各等分

右五味粗搗篩每服三錢匕酒半盞水一盞煎至一盞去滓未發前溫服

治寒瘧不差橘皮散方

陳橘皮

湯浸去白焙一兩

牡蠣

熬三分

桂

去粗皮

常山

各半兩

右四味為細散每服三錢匕溫酒調下未發前併三服

治瘧先寒戰寒解即壯熱鼈甲常山酒方

鼈甲

去裙襴醋炙一分

淡竹葉

一兩

常山

甘草

炙剉各三分

右四味粗搗篩每服五錢匕酒半盞浸葯蓋於地上一宿次日添水一盞煎至七分去滓未發前溫服得吐為驗

治瘧寒多熱少此胡桂姜湯方

此胡

去苗四兩

桂皮

去粗

黃芩

去黑心各一兩半

栝樓根

牡蠣

熬

甘草

炙剉

乾姜

炮各二兩

右七味粗搗篩每服三錢匕水一盞半煎至一盞去滓溫服初服微煩汗出即愈

治寒瘧蜀漆散方

蜀漆

洗去腥焙

雲母

燒一晝夜

龍骨

各一兩

右三味為細散每服半錢匕未發前漿水調下

治寒瘧草豆蔻飲方

草豆蔻

去皮

高良姜

常山

青橘皮

湯浸去白焙

陳橘皮

湯浸去白焙各一分

生姜

半分

淡竹葉

握

黑豆

五十枚

右八味咬咀如麻豆都用水三盞煎至一盞半去滓未發時通口分溫二服
治寒瘧牡蠣湯方

牡蠣

熬

麻黃

去根節各四兩

甘草

炙剉二兩

蜀漆

洗去腥焙三兩

右四味粗擣篩每服四錢匕水一盞半煎至一盞去滓未發前溫服

治寒瘧胸滿人參湯方

人參

半兩

蜀椒

去目及閉口者出汗壹分

乾薑

炮壹兩

阿魏

三分酒浸去砂石麴和作餅炙

右四味粗搗篩每服三錢匕水一盞煎至七分去滓溫服不拘時

治寒瘧烏梅丸方

烏梅肉

炒

桃人

去皮尖雙

常山

豉

炒各三分

升麻

肉苁蓉

酒浸切焙桂皮去粗

人參

甘草

炙剉各半兩

右九味為細末鍊蜜丸如梧桐子大每服二十九空心未發前溫酒下日二

加至三十丸

治寒瘧先寒後熱常山湯方

常山

甘草

剉生

乾薑

炮各壹分

附子

炮裂去皮臍

芫胡

去苗各半兩

右五味咬咀如麻豆每以五錢匕酒一盞半煎至一盞去滓分為二服空心

未發前并食後各一服

治寒瘡無問遠近虎骨丸方

虎頭骨

炙酥

烏梅肉

炒

桂

去粗皮

甘草

炙

人參

各半

桃人

去皮炙雙

常山

升麻

肉從蓉

酒浸切焙

附子

炮裂去皮

麝香

研壹錢

豉

炒壹合

右一十二味除桃人外檮羅為末和勻鍊蜜丸如梧桐子大每服三十九未發前米飲下

治寒瘡不痊二薑散方

乾薑

炮

高良薑

各三分

右二味炒令黑色搗羅為散每服一錢匕未發前溫酒調下日三不拘時

治寒瘡塗方

鼈甲

去裙襴醋炙半兩

烏賊魚骨

去甲

附子

炮裂去皮臍切

甘草

炙

常山

各壹兩

右五味搗羅為末每服五錢匕酒一盞半煎十數沸留一宿次日以酒先塗手足并背上如不發即止如發即飲此酒一盞

治寒瘧塗之方

附子

壹枚生去皮臍

右一味搗羅為末未發時用苦酒和塗病人背上佳

溫瘧

論曰溫瘧之狀內經所謂先傷於風後傷於寒其證先熱後寒病以時作是也蓋風為陽氣寒為陰氣風氣先勝故先熱而後寒得之冬中風寒氣藏於腎內至骨髓至春陽氣大發邪氣不能自出至夏大暑腦髓爍肌肉消腠理發泄或有所用力邪氣與汗俱出故氣從內之外也其法宜先治其陽後治其陰也

治溫瘧初發身熱頭痛不可忍臨醒時即寒慄戰動麻黃湯方

麻黃

去根節煎掠去沫焙

羌活

去蘆頭炒

牡丹

去心

獨活

去蘆頭

梔子

去皮

茈胡

去苗

桔梗

炒剉

升麻

荊芥穗

大黃

剉炒

半夏

洗去滑焙

木香

知母

焙

黃芩

去黑心各半兩

右一十四味粗擣篩每服三錢匕水一盞入生薑二片同煎取七分去滓未

發時服

治溫瘧初壯熱後寒戰骨節痠痛口乾煩渴蘆根湯方

蘆根

剉壹兩

麥門冬

去心焙

升麻

葛根

剉各三分

山梔子

去皮半兩

石膏

壹兩

右六味粗擣篩每服五錢匕水一盞半入竹葉十片煎取一盞去滓溫服未

發前連三服

治溫瘧骨節疼痛時嘔朝發暮解暮發朝解知母湯方

知母

焙乾三分

甘草

炙剉壹兩

石膏

碎三兩

粳米

壹合

桂

去粗皮半兩

右五味粗擣篩每服五錢匕水一盞半煎取一盞去滓溫服未發前不拘時

候

治溫瘧壯熱憎寒不能食地骨皮湯方

地骨皮

知母

剉各三分

鼈甲

去裙襖醋浸炙黃

常山

剉各半兩

石膏

碎壹兩

右五味粗擣篩每服五錢匕水一盞半入竹葉十片煎至一盞去滓未發前

溫服

治溫瘧寒少熱多冬瓜湯方

常山

剉壹兩

甘草

炙剉半兩